

Warumb aber inn erzelten dingen / als wie vnd auff was weiß / auch mit wasserley Geschütze das gemäuer einer jeden Vestung zum Sturm beschossen werden soll / kein eigentliche vnd gewisse vnterweisung zu geben ist / sie werde dan zuvor besichtiget / ist diß die vrsach / dz die gegenden vnd gebeue vnterschiedenlich / vnd derselben mancherley. So wirdt auch von vilen wolerfarnen Büchsenmeistern darfür gehalten / daß wenig Vestungen erobert / die auff eine gleiche weiß beschossen worden sindt / vnd sagen / daß / da man etwan vor einer besatzung einen nützlichen vorthail gebraucht / haben an einem andern ort etliche zufällige widerwertigkeiten / denselben zugebrauchen verhindert / also daß man andere mittel hat suchen / vnd für die hand nemen müssen.

Es werden wenig Vestungen gefunden / die in allen dingen einander gleich vnd ehlich.

Ein gemeiner auffserlichst zu fällen.

Dann ob wol inn gemein ein Thurn / oder vestes Gemäuer / eher vnd fürderlicher nicht beschossen werden kan / den mit den notschlangen / also / daß alles mal nach zweyen solchen gethanen schüssen / ein schuß mit vnd auß einer Scharpff